

Papru JIRIMIÚNKAN papí áatramu

Papru Jirimiuñkan papin áatramiania nu

¹ Wi Papru jü papin áaran akuptajme ámin, Jirimiuñká. Ii yachi Timiutéusha jüna akupturmawai. Wi Jesukristu takaru asan sepunam pujajai. Ame iijiai tsanínkia takáa asakmin jü papin akuptajme. ² Núnisañ ame jeemijin Yus-shuar irunainia nunasha tura ii umai Apiancha tura Arkipiuncha iijiai ti kakaram takasu asamtai jü papin akuptajrume. ³ Yus ii Apari tura ii Uuntri Jesukristu shiir enentáimturma ásar yainmakarti imiatkinchanum tuke shiir pujustinian.

Jirimiuñ pénker Yus-shuar ámiayi

⁴⁻⁵ Ame Uunt Jesus shiir enentáimtakum ashí Yus-shuar ainia nusha aneamun antukjai. Nuna antukan ámin ti shiir enentáimtakun Yúsan áujeakun yúminikajai. ⁶ Áujeakun chíkch shuarsha ámijiai métek Yúsan nekas enentáimtuiniak ashí pénker ana nuna ti paant nekaawarat tusan seajai. Ashí pénker ana nuka Jesukristu shiir awajsamujaí takakji. ⁷ Wisha ame anenkratmajai ti shiir enentáimtakun waraajai. Yatsurú, ámijiai ashí Yus-shuarsha shiir enentáimiainiawai.

Papru Unisemun waitnentratniun Jirimiuñkan seamiani nu

⁸ Nu asamtai kakaram tátsujme. Kame wakeraknaka Kristu akatramu asan “Ju túrata” tíminiaitjíame. ⁹ Antsu aneakun aya júnisan tájame. Wi Papru úuntach asan tura Krístun takarkun sepunam pujakun ¹⁰ Unisemu waitnentraí tusan seajme. Niisha wi ujakmajai Yus-shuar ajasu asa winia uchirua áintsankete. Sepunam pujayatan ni aparíya áintsanak ajasjai.

¹¹ Nuikkia Unisemu ántrauyi antsu yamaikia aminiisha winiisha yáimniuiti. ¹² Ataksha awaṇtajme. Wi ti penker aneamu asamtai pénker itiaata. ¹³ Wi Yus-Chichaman étserkun sepunam pujajai. Túmakun ame yajá pujakum yáintkiatin tujintiakmin nii antsu wijai pujus yáintkiat tusan wakerimjai. ¹⁴ Túrasha ámin ujatsuk túrachmin enentáimpramjai. Kame ame wakerakum útsukchamujai “pujustí” tákumniñkia maak. ¹⁵ Júnissha enentáimpramniaiti. Unisemu ishichik tsawant meñkakamai tura yamaikia waketki ámijiai tuke pujustatui. ¹⁶ Kame yamaikia emetachma antsu ame aneamu yátsumeá áinis átatui. Nuka ti pénkerchakait. Wisha nin ti aneajai. Tura yainmakmin asamtai tura Krístunam ame yatsum ajasu asamtai winia iniankattsam aneashtapash.

¹⁷ Wisha ti penker amikrumchakaitiaj. Tuma asam winia itiaarua nútiksam shiir awayáta. ¹⁸ Yajauch awajtamkaitkiuiñkia tura ámijiai tumashitkiuisha wi akiktatjai. ¹⁹ Wi Papru nekas winia uwejrujai juna áaran ti nekas akiktatjame tájame. Túrasha winia tumashitmena nuna páchittsujme. Kame wi ujakam Yus-shuar

ajaschamkum. ²⁰ Wátsek, yatsurú, amesha Yus-shuar asam wi seajme jú túrutata. Kristu enentáimtakum shiir enentáimtikrurta.

²¹ Tí penker uminiaitme nuna nékakun júnisan áatjame. Tura wi seajmena nuna naŋkaamas túrattamna nuna nékajai. ²² Ayu. Átum Yus áujturkurmin Yus winia tsan̄katruktatui atumiin iiraitniun. Tuma asamtai wi nui jean pujustin iwiarturata.

Amikmaamiania nu

²³ Épaprassa niisha Jesukrístunu étseruk sepunam wijiai pujus amikmaatmarme.

²⁴ Núnisan Mákkussha Aristárkusha Témassha tura Rúkkussha Yus-Chichaman etserkatniun yáintiainia nusha amikmaatmainiawai.

²⁵ Ii Uuntri Jesukrístu atumniasha ti shiir yain-makarti.

Nuke atí.

**Yus Papí: Shuarjai Yus Yamaram Chicham
Najanamu
New Testament in Shuar (EC:jiv:Shuar)**

copyright © 2012 Wycliffe Bible Translators, Inc.

Language: Shuar

Translation by: Wycliffe Bible Translators, Inc.

Shuar [jiv], Ecuador

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Shuar

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses,

v

please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files

dated 29 Jan 2022

fb10d1f0-e2d5-5d8e-8a74-10846708c857